



客家語散文社會組 評審感言

羅秀玲

客語散文三個組別來看，社會組個競爭係最鬧熱個，來稿數量佔 21 篇。毋過，根據徵選要點個規定，淨做得選出三篇定定，其他優秀個作品，無法度選過多啊來得獎，實在還壞勢。

經過評審小組擇出個第一名個作品係《尋味》，目前食安個問題盡大，作者用尋味來入題，客語用詞個能力異好，文章生動描寫「舂菜打板」個過程，反映時代、社會個變遷。

第二名係《蝦公盤毛蟹碗》主題敘事清楚，點出蝦公盤、毛蟹碗連出個人間同山水風情，乜寫出盤碗之間老人情個想念。

第三名係《筷菜分人惜》，文章敘事細膩，深入描寫筷菜個特性同料理，還有珍等來個醜醜個人情味，做得講係客家飲食文學個好作品。

比賽有輸贏，恭喜這三位作者，乜希望來年個文學獎，大家共下來寫客語文學，共下來灌溉、經營靚靚個客家文學花園。